

# Wann kriegstn scho amoi an Radiergummi geschenkt

1

Text und Musik: Werner Meier

## Wann kriegstn scho amoi an Radiergummi geschenkt

Es war mei Geburtstag und mir warn alle guat drauf

Mir ham gessn und trunka und auf

Amoi ziagt er sei Gschenk raus, und i kann's gar net fassn

Na, er hat si wirklich was eifalln lassn

I nimm's in d'Händ, es war unverpackt

I halt's zwischen die Finger, Du, es war praktisch nackt!

I schieb's obi, schieb's aufi, schieb's umi:

Ein Radiergummi!

**Na, i war so baff, na, i hätt ma des net denkt**

**Dass ma er amoi an Radiergummi schenkt!**

**Dass ma er amoi an Radiergummi schenkt!**

Ja, das is was Originelles, weil, wenn man bedenkt

Wann kriegstn scho amoi an Radiergummi gschenkt

A Bildl, des muasst aufgehänga, a Buach des muasst lesn

Und den radierst Du zam, als wär nix gwesn

Du brauchst'n net wegsperren, net füttern und hegen

Du brauchst'n net putzen und waschen und pflegen

Du brauchst koa schlechts Gwissn ham, er hat net vui kost

Und er vertragt außerdem an leichtn Frost

# Wann kriagstn scho amoi an Radiergummi geschenkt

## 2

Ja, Dankschön, sag i nomoi, na, i hätt ma des net denkt

Dass ma er amoi an Radiergummi schenkt!

Dass ma er amoi an Radiergummi schenkt!

Obi, aufi, umi

Radier, radier Gummi!

Gummi radier, jetzt ghörst Du mir!

A Radiergummi, der von Herzen kimmt

Des is a Gschenk, des einfach stimmt

So was kann man net erklärn, na so was muss man einfach spürn

Ja einfach bloß radiern und radiern und ... meditiern

Und mir nehmen jetzt amoi alle unsern Radiergummi in d'Hand

Und radiern amoi alle unsere schlechten Gefühle

Und unsere schmutzigen Gedanken einfach weg

Und die schmutzigen Gedanken, das gibt dann lauter

So dreckate schwarze Wuzln, di falln an Bodn obi

Dann kehr ma's zam und tragns bei Vollmond naus

Und schmeißns in d'Mülltonne

Und dann sing ma ganz erleichtert und ganz befreit:

Ahahahahaha...

Ja, so a Gummi is guat! A Gummi is net blöd!

Weil's einfach oft ohne Gummi net geht

Und jetzt sing ma no amoi ganz erleichtert und ganz befreit:

Ahahahahaha...